

六一山房詩集

六一山房續集卷八 辛巳

鄭 董 沛 覺軒

辛巳

元旦恭詣

上諭亭行禮

昌期重屆百年中元日欣瞻甲子逢

乾隆五十三年正月甲子朔至是九年矣

齊祝十全經武略勤銘西域繼

高宗

時聞俄
部受款

二

惠風晴旭藹春光雲物新書大吉祥臣是遠方升斗吏

願祈豐稔徧江鄉

迎春遇雨

斗柄一迴指萬象皆生春郊迎循故事迤出東郭門羣
官盛儀從列隊旗旛新夾道觀者多士女如荼雲忽然
微雨來縷縷霑衫巾似憫赤土災膏以王澤醇我行不
張蓋身受皆天恩洗此俗吏容拂面無游塵登堂飲三
爵寮采同主賓工奏有渰詩卉木當欣欣

臨江守鄂卓君海需挽詩

雙旌曾到越王臺又向章山作郡來豐沛舊家頻出守
江湖循吏總多才訟庭自判秋曹筆吟社頻添客坐杯

五載民安清淨福那堪淒聽蓼莪哀

二

靈帷風雨哭慈親痛劇難支病後身萬里歸魂真孝子
一門遺緒少傳人行囊祇賸詩篇在比戶猶歌德政新
國士相期慚下吏江頭扶綯倍傷神

仲春寒甚雷雹霰雪交作

春王二月天大寒一雨十日不肯乾朝聞雷雹夜霰雪
厯厯變幻爭奇觀豐隆屏翳舊游熟異二呼風召膝六
三撾布鼓齊到門咳唾紛紛落珠玉左車大笑身飛騰
驅龍亂鑿冰山冰翻然南下作高會倏來倏去皆空靈

神仙狡獪想游戲天變誰知應人事夏令冬令交錯行
史例應編五行志旦旦呼天天耳聾日皇退避扶桑宮
東方甲乙本生氣造不言造安有功江淮歲事關大局
奚止卑官繫歌哭三農正值耕作期願譜南薰阜財曲

郊行

瀟渚平橋走馬楓林舊觀停車半水半山鄰屋明朝迤
到黎墟

二

麥穗風來搖曳桃花雨後飄零留得二分春色柳條依
舊青青

三

隴畔一聲叱犢門前幾樹啼鳥行過白雲深處酒家斜挂胡盧

四

緣道矮松齊膝傍垣新筍出頭認作歲寒老伴本來童

穉交游

五

江上綠波魚長池塘青草蛙鳴徧是一犁活水我來趁
好催耕

東林寺相傳嚴分宜讀書處

鈴山冰雪少寒餓復向鄰州結禪座斷齋煨芋差不殊
旁觀幾訝臥龍臥昂頭奮翼乘長風樞星朗照薇垣中
嘉靖以來首輔傳儼然開國胡惟庸東門之東啄腐鼠
鳳凰鎬鴟相爾汝乾兒上壽相君樂誰問東林舊居處
相君與佛曾有緣天子乃慕冲舉仙綠章供奉好才調
主恩特賜香葉冠深宮學道不復出竊弄威權蔽天日
大畜小畜衣鉢傳制辭半付東樓筆禍機忽發高山頽
子孫死鼠身無依衰齡墮入餓鬼道佛雖有力難布施
嗚呼分宜亦才士攻苦單門一朝起何不蚤以詞臣終
到今猶稱讀書子茫茫舊恨四百年此寺改造非昔觀

權奸大夢了無覺夜聞鬼哭聲悲酸

雨中自黎墟至湛溪

風力吹不開漫空起朝霧籃輿出遠郊泥路雜沙路厥
山惟赤墳宵來徧霖澍跨水支短橋欹側恐難渡撲面
寒氣多倦足暫停住隘處姑緩行安敢叱王馭

—

每隔二三里團聚農家邨鄉居亦醇樸雞狗時相聞南
畝蓑笠翁趨彼東作勤碧毯抽綫頭喜見良苗新道旁
餉耕者勸酌殊殷殷笑我行役勞誰恤飢渴身

晚齋

庭樹猶餘溼歸巢鳥自忙淺深山色裏雲隙漏斜陽

題丁素秋女士梧
蘿榭繙經圖

是花非花是水非水卽心印心以指喻指美哉泱泱風
來自香鼻有功德引我詩腸非花亦花非水亦水四面
空空無量歡喜言下猛省不如無言仰首而視明月當
天

寓黎氏祠旬日諸生以文字質正野老有饋食者

喜酬二絕句

桑田稅駕已淹旬敢詡朝朝吏事勤還我書生真面目

孤燈風雨夜論文

二

鄉廚聊佐使君歡盡道回衙見面難領取野人芹曝意
一壺清酒兩盤餐

吳平墟

坐挹羣峯秀憑高地勢尊前朝曾建縣此日尙成鄣山
寺雲棲榔溪橋水奪門歸途煙樹合野色近黃昏

束裝回署途中大風雨暫憩田家

林篁滿山雲氣亂密雨穿帷勁如箭黑風捲作松濤聲
滾滾長流雜溪澗低區積水路彌漫輿夫兩足苦盤旋
左彎右曲防顛危我在輿中亦搖顛前頭牆屋倚巖畔

望門投止息勞倦
郵童郵婦交相呼
環立庭除駭觀看
從者溼衣不得換
燒草薰烘當圍炭
纔行數里即卸肩
一日旅途豈能半
風詩屢寫征人怨
道路艱辛室家歎
我盡我職敢乞安
猶幸平生出門慣

宿善福菴

撤蓋於焉息禪關
鎖不牢卻尋僧侶
話聊軫役夫勞弱
草當階靡疏桐倚壁
高經鑪參靜契暫可屏
喧嘈

南臯

昨宵逢雨曉逢晴
五里郵莊十里亭
高處麥田低處稻
兩般疏密一般青

二

前山迎面後山過半路崎嶇半路頗淺色衣襯深色樹
採桑人少採茶多

閱社倉

荆公頒青苗縣長司會計朱子建社倉了不涉官事二者擇善從一言可以蔽奈何新法行千載更流弊民間私蓋藏路遠隔城廻四境三十區安能置守吏出陳時易新厥制彷和兌夏糴冬則收農昏孰啟閉鄉老豈偶人監視亦無費縱彼枵腹來猶恐後難繼東西南北中一一驗符契令尹新舊聞以此作交替衡度兼斗量邇

歲有成例盈也官不聞虧乃受其累作俑始臨川絕非
紫陽意徒知治舊名公私兩無濟

縣齋述感

捧檄南來此宦遊江天一碧眼中收章山迤邐穿城入
牽水澄清繞郭流茶市生香風四面南鄉產茶橘園輸課日
千頭中洲多橘林尋常民事關休戚漫算眞腴萬戶侯

二

衡長百里判東西周覽兼旬倦不支全境地形舟馬便
寬鄉物性稻梁宜平岡倚屋如重壁古冢成陂有斷碑
最是家家春社樂牲牢一例薦叢祠

三

郵程迢遞接洪筠送往迎來供億頻下吏分符難作健
衝衢計帳敢辭貧聯翩使客皆官樣絡繹羈囚半鬼薪
飛羽忽傳旌節過深宵驚起夢中身

四

公餘且訪舊亭臺往事千秋幾溯回故宅名山留瑞竹
盤園枯樹憶奇梅薌林尙衍詩書氣向伯恭別墅今爲縣學樟鎮
誰銘柱石才厯厯紅羊殘劫後搜尋遺址總蒿萊

民謠

臨水釣魚乃焚其陸灌壇之威五路一哭

二

晝揚旗夜鳴鼓巡船如鷹役如虎北巡北頭南巡南官
征其一私則三溜急不可纜風利不得帆爾烟爾僕殊
耽耽

三

官有冊私無冊官有額私無額月計歲計此樂靡極

四

轆轤轆轤驅車僕僕罄爾傭錢不饜其欲門有長竿赤
身倒懸大雨如注過者悲酸

五

一唱百和一呼百應噭噭嘈嘈絕無主名但見東市西
市半開半閉各各心膽驚

六

投金餌和勸之以酒出其家姬款彼郵婦

七

顛倒是非言告臺司大官曰噫小民曰嘻下土易虐上
天難欺獨不見爾之歸資裝糲糲孰非民膏脂

八

舉孝廉舉秀才爾不讀書安知功名寸寸皆自辛苦來
清流鉤黨胡爲哉

九

民之寬疇敢言民之怒疇敢訴去彼害馬坐食斯寢爰采風謠以諗來者

送崔第春司馬

國榜

弭變無良策勞君急牒來未能籌國計聊可卹民哀腐氣書千卷高談酒一杯桑榆應諒我痛定尙低徊

二

江上連番雨歸途緩緩舟兩心相契合半月此句留忍起同文獄毋滋築室謀征帆過樟樹盈耳聽歡謳

署中懸五扁各係以詩

親民堂

前堂曰親民明嘉靖中縣令沈淮題額崇禎中劉晉卿侍郎記之今復其舊

大學在親民古本厯千載王門私淑徒作記衍宗派

晉卿

爲鄒南皋高

弟本王學也我求保赤心以愛及不愛

富壽堂

後堂曰富壽因山得名余別有記刻諸石

宋有富壽堂前賢果誰作明志佚其名援古亦疏略持此祝吾民四境大歡樂

思補軒

跋云清江縣署舊有退思補過軒額乾隆中縣令德君隆所題也余攝任數月

重葺此屋摘思補二字顏諸楣間亦聊以自警焉爾

訟庭日少事民亦安吾拙願我方寸臺遑敢自求逸靜坐省厥躬欲補尙多闕

清碧廬

跋云宋清江碧嶂亭或云在府治或云在縣治今遺蹟不可攷矣後軒五楹爲

宴息之所仍以清碧題之存古也

新安好山水梁武有慰辭此閒頗不俗奚論江東西州
宅交相誇我愧元白詩

小芙蓉屋

跋云施愚山官湖西道以署中木芙蓉遂顏其屋庚辰秋杪余在吳平

內廨頗倣庭前兩芙蓉始華憶

愚山舊題同在茲郡書以榜之

萬卉半零落遺世全吾真蓬萊有仙骨珊瑚無一塵寄
言謝春華綺麗不足珍

復匯川講堂祀前臨江守李公

昌黎禮成賦示諸

生二十韻

一代神明吏馨香校序中煌煌新祀典歷歷故侯功館
關翹材盛堂開養老崇曹司嚴治猾隄障亟趨工念此
清江學難稱附郭雄倚城虞偃仄漲水每沖瀉遷築常
無暇圖成幸有公荒洲營地斂樂歲庀材豐佚道人爭
赴宏規禮益隆楊修殷頌禱編修楊壽補有頌曹植記初終學
曹文埴有記夜續精廬火朝彎射圓弓生徒勤講藝僚采慶
和衷民困冤頻雪官清境屢空埋輪殊凜凜解組太恩
恩暎隔星霜變追隨臭味同特書登志乘遺廟歎蒿蓬
卜日門垣啟臨風感想通幙帷時陟降碑碣費磨礲香
火靈光在冠裳喜氣融徵歌迎送曲回望甬句東

卷之二
七
郵民獻嘉禾喜作

豚蹄壺酒祝籌車秋穗登場尺有餘添得嘉禾圖一幅

祥徵應補豫章書

禾穗長尺餘畝獲倍利
西鄉有一莖六穗者

二

郵農盡道令君賢厯溯咸同第一年瑞應由來關

主德小臣何力敢貪天

解清江移寓南城漫題齋壁

遮道留使君上官曰否否時會今昔殊安能徇眾口去
者雖潔身來者望援手行矣秋爲期可速非可久

二

江鄉多水患陂障資民生沙河互鄰縣魯衛如弟兄一
決五十年規復勞經營刱始甫有基何日觀其成

道光癸巳

豐城沙河隄決清江北境歲苦水災余建議復之牒請大府已設局籌舉矣

三

中洲四十里環以安豐隄兩水夾袁贛猶苦中閘低迤
東接鑿梁次第功力施今歲大豐穫橙橘亦滿枝

四

保民如保赤古語稱眾父况此窮室嬰真箇待孳乳丁
甯勸義漿城社各分部縣官親解囊毫末歎無補

城中育嬰堂

始倡存嬰社久廢今年

五

西洋奉耶酥孜孜講罪福奈何教士門從者半汚濁睢
盱競小嫌調停費案牘我惟一律懲勿使亂吾俗

六

臨江湖兵禍營署昔被焚重建良不易賃宅殊苦辛宛
曲達上臺請支官庫緝突兀購新廨歡笑徧諸軍

七

迢迢樟樹鎮商旅通官河出入有津稅安免丁役苛願
爾寬一分受者恩已多儒術本迂疏我敢辭謳訶

八

飢寒恤罪囚閒日躬察僨訓士若子弟動以方寸誠黎
明出視事夜臥翻易醒綑被呼放衙此樂吾未經

九

心慮苦不給終歲頗拮据內省恆自慚豈望收民譽凜
凜馭朽索諄諄戒虛車韻中起遐想周彼四境區

十

四境民俗醇紛紛來頌禱婦稚亦何知咸說長官好留
鞚截鐙風行之猶古道我愧不敢當殷勤謝父老

紳士
軍民

送扁三屏十二繖七牌三
十譽頌過情深自愧耳

十一

東望有高士廿載不入城比聞攀輿多居然列姓名廣

文二大老鄉國稱耆英我無杯酒歡永誌悱惻情

紳士乞留

列名二百餘人關戶部耀南居首戶部自散館歸里不入城者二十餘年傳廣文寅變年九十二疇廣文秉誠年九十歲預其事諸君與余無一面之雅而惓惓至此良可感已

十二

巧宦工結交留牒非甚難要其高下殊祇判誠僞閒豐

城諸士流亦借鄰邑官知我一載期尚覺民便安

豐城諸生

唐錫璋等四十人亦上書乞留爲隣事也

十三

我友莅新吳

謂張公東

得罪於巨室謗書盈篋來恩恩謝簪

笏顧我盜虛聲亦復同一轍譽毀安足憑聽者了無別

十四

點竄輿地志坐覺精力疲以是酬我勞稍歎周歲期決去弗可緩猶恨來者遲長夏續閏秋供億殊不貲

十五

開關接新尹假我南城廬半畝儒者宮聊足容妻孥整頓舊時業四壁森圖書恆有戶外屢葱夢招生徒

十六

廣譽施我身奚暇問歸橐造物有權衡名厚利斯薄俄空避債臺此行尙不惡祖餞二百筵姑尋醉中樂自縣堂至

寓門左右設餞凡百
八十三筵亦盛矣

同張小坡明府金壽

登大觀樓

小坡方御新喻事

預作登高會金天九月初崇樓迎日出涼袷受風虛街
市羅幕局關河畏簡書吾儕新脫紲暫可賦閒居

聞撫部李捷峯先生

文敏疏請述職

優詔不允賦呈二長句

述職煌煌舊典循新聞異數拜

恩綸公來西道多寬政

帝眷南邦要正人斗府星高添紀算梁州土厚見精神

聖慈未允趨朝請俯念蒼生倚賴身

二

莅節江城十載期
雲天風物總依依
儒林耆舊三原派
家世神仙一品衣
應比漢廷隆几杖
何勞滕閣送旌旛
巡行久布睢麟化
更長甘棠樹幾圍

江行

指點江城路
西風獨客行
羞爭鷄鶩食
暫結鷺鷗盟
作吏同傳舍
浮家莫問程
故園千里隔
何日許歸耕

將赴會垣暫次樟樹鎮

吉日將出門
雨霽天尙寒
僚友走相送
坐我琴書船
健兒亦感恩
列隊河之干
父老前致辭
惻惻殊不歡
我行

尙回顧贈之臨別言安爾耕鑿風務本惟力田
重光際平世近歲多豐年想彼後來者應勝前官賢

二

遙過樟樹鎮暫乞冠蓋停焚香夾路隅盈耳爆竹聲離
筵置鏡水似頌明且清愧非湯睢州乃復留刻銘三十
餘筵以鏡一枚水一器並置几上勒石祖帳
達路日民不能忘用湯文正故事也巾裾數十輩各
各登舟行遠送不可卻一程重一程斜陽忽西墮分手
難爲情江樹作淒色伴我孤帆征

寓北湖

前望東湖後北湖湖濱新署愛吾廬

先訓導公書
室名愛吾廬

天留

一月清閒境料理平生手著書

題許子笠太守承家天際歸舟圖

巨海浮空闊東帆得意回地形關白界天色蔚藍開疆
索區中外程途記往來長卿能諭蜀不愧漢廷才

二

快慰長風願滄溟險若何邊屯新築雉內府舊頒螺驪
彩旄頭斂軍書盾鼻磨酬庸二千石雨露受

恩多

六一山房續集卷八

六一山房續集卷九

壬午

鄞 董 沛 覺軒

壬午

紀行

橫文敦并我攝東鄉驚言出門日吉辰良風來自南送
我帆檣云彼建河不可葦杭紓曲而行道路孔長假以
程期心焉睠皇

二

晚泊滁槎言訪津吏故人續燈話彼前事監祝羅冠南
同年大冕前
令東鄉村落千家深巷犬吠沽酒匪甘焉可謀醉僕夫坐

更以次交替我亦擁衾耿耿不寐

三

彭蠡旣瀦空碧一色今歲恆陽水涸其宅大支小支汊
港絡繹曰古戰場疇辨遺迹蘆蒿叢生結茅於側闌無
鄰居安爾孤僻

四

江柳依依江梅已殘塞蓬四顧東指遠山林密礙緯沙
漲礙船篙師赤腳邪許過灘離女呼爺朝盥夕餐蚩蚩
笑語安知路難

謝埠

斜指盱江路將成得半功沙痕連岸白市火簇星紅帆
櫓稽巡密關梁榷算工感時頻託詠睡思已朦朧

次撫州

陽和絕肖暮春天桃李芳華競自妍一路行舟好風景
半晴半雨到臨川

莅東鄉

僻縣分臨汝前朝剏建城居民猶樸陋羣盜昔縱橫廢
壘依山險官郵斷水程下車先問俗何以慰蚩氓

答黎小韓司馬贈作

嶺南五家詩桴鼓應上國黎樵有哲孫手口亦先澤羣

山導崑源支幹皆祖脈豈傍他人門區彼唐宋格承明
著作才奚不隸朝籍廁身丞簿閒奔走苦征役循資遷
一階漢長三百石需滯不得官飢寒困無策我來稍後
君逢君如舊識投我行篋篇珍重踰拱璧君生炎徼區
萬里厯南北奇境發浩歌山川爲生色我昔號苦吟舊
稿已成冊此次豫章城往往歎孤翼昨綰吳平符今捧
汝東檄時軫生聚謀恆慮曠官責戴星不敢康几案俗
塵積敢以文吏矜濡首涉翰墨一載臨江軍迂論幾遭
戾乃竊循良聲輿頌愧書刻豈謂君贈詩亦復承藻飾
空谷來足音風雨慰朝夕大集諸體兼千金字不易偏

師攻文房秦系恐非敵側聞君病耗相愛屢相憶諒可
勿藥占陽氣滿大宅薄宦山城中衙齋日岑寂安得招
君來遠置鄭莊驛

原作

順德黎原超小韓

作官祇計五斗粟予十萬緡塞破屋不然願買常州
田轉瞬黃梁一晌熟賢哉董子貧何求玉杯掌錄期
雕鏤俸金但教積十笏書卷儻可謀千秋小儒昨舌
俗吏走卽論政事已魁首一碑四字臨江軍民不能
忘子不朽奉檄新移東汝城臨川筆近千花明瀨行
贈我六一稿洗盡俗耳筆琶聲家住四明有狂客唐

代風流照翰墨短兵狹巷歌者誰拔轡豈惟楊伯翼
如斯文藻況江山響巖千仞來珮環夜聽鈎天畫按
拍一一仙韻留人閒徐凝惡詩亦相託珍重他山願
攻錯儻憐敝帚千金同早運班門一斧斫香火緣深
交縞遲折麻問訊情依依他日儒林與循吏子於國
乘將安歸

喜舍弟自家鄉至

一別五年久相看較昔肥海風黧面目江霧溼裳衣瑣
屑談家況殷勤勸客歸填胸千萬緒對榻話依依

敢曰貧而仕塵餽尙舊年紛紜添用架鄭重計圭田世業仍黃卷袁齡已白顛欲歸猶未得羞澁買山錢

三

門戶艱難日全憑汝手扶近鄉多莠稗鄰郡況萑苻

間土盜

合溫

清苦原恆事經營且後圖故園松菊徑郤幸未

未靖

荒蕪

四

置酒同歡會山肴野簌陳殘花三月暮異地一家春兒姪皆隨侍朋僚各主賓長途來不易聊共慰艱辛

大富岡

平岡環繞西北城何人錫以大富名山無玉石無礦冶
童然草木殊凋零想因當年未建縣下江新市恣憑陵
恃其窟穴肆剽掠坐積財幣皆豐盈抑或山民素窮困
胼手胝足勞不勝反語而譏曰大富謂彼力作無餘贏
豈知王者尙本業八政首重三農耕稼穡惟寶歲其有
盤中粒粒珠晶瑩江鄉況復多水患蛟蜃出沒喧雷霆
四封以外盡汚下田園汎溢廬舍傾此邦地幸處高阜
俯瞰鄰邑如建瓴年來農事號中稔不富而富藏無形
前朝置縣始正德惟胡端簡來經營倚岡爲治扼其要
羣山起伏張門屏仁人之利博且久此岡雖小宜留銘

我爲山名一詮解用祝境內民生生

雄嵐峯

雲氣蒼茫斷復連孤峯秀出眾峯巔千家供奉三仙廟
萬古靈長一勺泉山頂有泉久旱不竭塵世衣冠都惘惘精廬香
火自年年登高便作棲真想願與洪崖笑拍肩

萬石塘度嶺作

出郭經游卅里邨萬山深處一官尊輕裝不礙巉巖路
古戍猶存壁壘門慙對窮黎稱父母俯看列嶂作兒孫
停車每問閭閻苦溫語周旋亦感恩

修陸文達公墓

前賢埋骨區今制例防護邇來俗吏多誰復請掌故吾
縣分金谿文達有遺墓樵採禁網疏侵削到封樹孫枝
鄰邑居道遠莫肯顧守冢雖有人亦復等陌路賤子私
淑流行縣過其處披刈荆棘中殘石豁呈露砌築墳四
圍修廣度弓步種松逾百株山脈益完固靈氣薄九霄
公魂自來去願鑒溪毛誠於此少延駐

聞豐城沙河隄告成賦詩志慰

綰綬臨江軍倡復三縣利溼潦五十年從此有生計往
歲春夏交江河漫空際萬戶憂巢居相顧但垂涕今歲
隄屹然水族俱退避禾稼青蔥龍咸拜長官賜王者無

分民魯衛本同氣焉有膏沃區冥坐聽荒棄我昔圖厥
功耿耿在寤寐何幸民子來終克竟其事隄長十里餘
謀始良不易亟籌善後方敬告賢守吏

同舍弟夜話

坐久方消暑他鄉月一般荒城同驛舍歸路念家山露
重衣初覺宵深酒不憚空言頻束手何以濟時艱

二

竊邑慚無補躡躇首自搔與君連日話軫我此身勞蕙
韭姑臧孔田園栗里陶較量憂樂境心羨北窗高
鄰縣大水境內有秋都民獻新稻感作

去年彗星今大水彌漫東南數千里皖浙接壤鄱湖東
饒信潛蛟一時起衝崖倒壁水勢高流民動地鴻雁嗷
散錢給粟煮糜飲萬口乞食聲嘈嘈臺司絡繹支官帑
慈宮復節中秋賞

佛曰普照江國春此是羣生大供養我幸境內逢有秋
山鄉溪澗齊暢流濱湖偶有被災地緩征田賦無他求
在全境中僅百之一二耳田野熙熙民氣樂百室千箱慶豐穰
邑社不敢私攝官無狀有天幸願祈歲歲陽雨時
獻穀登堂來縣吏歡顏賜杯酌吳平舊作嘉禾辭薦之

送舍弟東歸

汝來省阿兄留汝僅三月垂老骨肉情分手難爲別吾
已成衰翁汝亦半白髮戀此升斗官終歲常契闊宦海
無定程安可計時日每作還鄉思展轉未能決一畱儒
者宮家弄足容膝坐擁萬卷書聊可守吾拙惟有烝嘗
田春秋薦時物囊橐頗拮据猶未置毫忽汝歸宜早謀
次第望完畢以此遺子孫補我一生闕秋陽尙騎人道
路正炎鬱眠食須慎旃毋過亦毋缺

九日同僚友登會龍岡

龍岡西峙縣城高邀客登臨興倍豪過樹浮雲行氣健
倚山孤塔插根牢漫題壁上留鴻爪敢詡庭前有鳳毛

挺兒
隨行此日諸君同一醉酒痕翻落舊吟袍

和作

萬載

彭近光

正卿

秋笳按拍數聲高
高處憑欄飲自豪
野味登筵萸酒熟
石筋盤地筍鞭牢
遙看嵐翠添鬢髮
近嘆霜痕染鬚毛
願作謝公遊屐侷
滿山黃葉撲征袍

平江

余家斌

幼樵

年年薄宦幾登高
幸侍元龍氣亦豪
大樹參天陰蔽芾
長橋跨水石堅牢
漫嘲官況同雞肋
喜接談風落麈毛
主客催詩頻擊鉢
不須低唱鬱輪袍

錢塘

周學鵬

蓮漪

雲天咫尺置身高吏隱公兼絕代豪晚節三秋評菊
譜塵心一夢警蒲牢忘年交契投肝膽華國文章惜
羽毛我幸參軍同落帽卑官猶自笑青袍

德化 李瑞懋 賜亭

寥廓天容分外高三秋佳集半詩豪風生筆底揮毫
捷雲護松間置屋牢修竹引泉山有脈淺苔鋪徑石
生毛趨陪魯直登臺興睇目孤城一繫袍

名宦祠謁周梅崖先生

先生矯矯臺諫雄一言左降臨汝東四百年後吾令此
高山景仰先生風巖城初建不易治苦費深心作調劑

流亡歸籍佃爾田盜賊潛蹊戶不閉先生去官民有碑
先生既歿民祀之迎神送神播絃曲父老恍見雲中旗
鄉人仕宦車斗計此邑令君吾第二圖經首表先生功
極盛之餘難爲繼恩恩假印周歲期坐糜官俸安所施
催科日勞撫字抽焚香愧拜先生祠

五十已過二劍南詩也戲仿其體卽次原韻

五十已過五秋來有怨心重霄徒曠遠大地總沈陰良
藥半霜杆虛名太古琴蹉跎吾漸老兩鬢雪痕侵

二

五十已過五誰憐晚菊開高門懷刺過潛窟守株來清

白原無濟驪黃豈不材思量尋諫果澁味尙能回

三

五十已過五西風病浹旬匡牀仍反側時局屢喚季
布千金諾元規一例塵幻形終畢露幾輩鏡中身

縣試日示士子

涉厯名場四十春

聖恩許作宰官身諸君自罄胸中學此老原空目下塵
整肅冠裳稱盛事摩挲衣鉢望傳人陽和已逐葭灰動
靜向龍門數躍鱗

偶成

石室百閒坐不出門諸天兩旁如來自尊

二

得大布施誰瞰其穴猛喝當頭一棒一血

送撫部李公還鄉

公以儀曹郎出就郡將列一陟觀察階江右遂陳臬彈
指五載期坐拜宣撫節絡繹饋西軍

詔書許增秩豈弟君子風陋彼管商術休養劫後民和
氣徧融溢偶遇偏方災殷勤予蠲卹以此得眾心家家

頌生佛

二

客戲接兄訃悽惻鵠原悲家鄉二千里屢作蘋鱸思顧
以方面臣上荷

三朝知

天恩日深厚未敢陳一辭豈謂遭

聖明下鑒臣之私念臣從事久許臣衣錦歸繫易占大
人先天天不違公已如所願遂命征帆西江湖浩蕩中
魏闕心依依父老夾路隅猶望公旌旗

三

賤子奉檄來契合始文字繼攝吳平城乃復及吏治抗
論征權官察案持異議公獨矜其愚曲諒愛民意瀕行

薦我才畀以建昌事鄭重荒瘠區非徒盡交誼請補建昌以交
印拜疏我適屆試期羣輩爭獻藝未暇前謁公再拜送車
騎終南千仞高是公所居地漢水東入江應有尺書寄
知已重感恩臨風一揮涕

別故鄉五年戚友凋喪歲除感舊誄之以詩

張鐵峯先生

恕

鄉國難留舊典型桑經遺稿記分明年來獨有忘年契
珍重昌黎蓋代名先生前贈楹帖有蓋代文章唐吏部句

盧幼竹先生

杰

兄弟同登上壽期門風彬雅是吾師題銘愧乏中郎筆

一字無慚有道碑

陳魚門太守

政鑑

恢復鄉關著首功墨哀當日想從戎殘山賸水皆完土
誰肯千秋祀鬼雄

王子竹明府

大森

遠上崎嶇蜀道難八年需次半年官江舟迢遞歸遺櫬
猶帶峨嵋積雪寒

家樵孫太守

學履

四世通家伯仲如粵江出守杳無書傳來海外東坡信
痛憶臨歧判袂初

不干山房續集

卷九

十一

桑飛熊布衣

興慶

駿馬輕韁短後衣萬人叢裏劖如飛夢中記汝恩恩語
西出陽關不再歸

陳駿孫孝廉

繼驥

湖頭移局兩年中坐論名山意氣同泉下有靈應笑我
卑官無復大王風

張綺雲太學

翊霖

廿載鄰居作比鄰續燈併笠最相親而今曠有墳前碣
待表西京獨行人

猶子世訓乞余
表墓尙未作也

劉芝人明經

恭

新安高密兩淵源舊論何庸澈底翻老死如君終不悟
辯香祇識戴東原

吳蘅塘文學德機

弱齡同學蚤論交見我新詩便手鈔身後遺書投一炬
碧山岑寂數閒夢

陳子仙編修欽

豈竟修文赴玉樓纔持使節此生休青青書帶還依舊
恰幸佳兒作解頭

周珊瑚編修晉獻

河東一樣賦皇華隔歲靈輿亦到家玉折蘭摧無限恨

庭前雙落紫荆花

令弟蓮生文學晉麟亦及

汪藹夫庶常

受祐

別署山房號鞠侯滑稽談笑自風流知君死入龍門傳
但欠東方八尺修

章蘋卿舍人

鑒

寄書遠道阻君行外吏何如閻校清祇恨臨池歐柳筆
未容小宋繼科名

秦溪蓀參軍

灑

酒國沈酣不復春灌夫罵座太無因填胸磊塊澆難盡
苦學劉伶殉此身

從姪不承文學

縉哲

老淚無端痛阿咸宗枝零落幾青衫世家門戶楹書在
賴有瓜一介男

六一山房續集卷九

六一山房續集卷十癸未

鄭 董 沛 覺軒

癸未

別東鄉

曉郭離筵勸酒樽
旃一路氣香溫
攝官未改因循咎
比戶深慚撫育恩
民謂有天皆感德
我知無佛易稱尊
空憐父老攀轅意
曾假南帆謁省門

紳士乞留者二百三十六人

二

孤城僻處萬山中
樓櫓傾頽四面同
原廟衣冠徒想像

壇廟多闕每假公所行禮
余在任建帥文毅公一祠官衙基址半蒿蓬
鄙農久乏

倉箱積藏吏恆憂杼軸空安得三年留視事料應次第告成功

三

桃李盈門絳帳開文章花樣手親裁新刊學校重修記
預卜科名繼起才邑士不登賢書二科矣是歲新學官楊金獲雋置酒殷勤頻
侍座揮金慷慨願登臺紛紛置兔干城輩亦復彎弓躍
馬來縣試騎射之士增舊冊兩倍

四

積習相仍總可憐臨歧不厭話纏綿田廬尙守邪岐俗
陌巷宜刪鄭衛篇王化端從夫婦始東休肯逃之訟東鄉爲甚余納犯者

於車上鳴鉦警眾徧歷城鄉俗以漸革

書香更望子孫賢

中朝文治光無外教律何煩譯口傳

五

春去春來隔歲期官中得失寸心知妖巢已燼梁公檄
焚北鄉
士壘曾摹柳季碑修陸文達公墓叩額紛呈遺愛頌撫
妖祠
躬忝附昔賢祠諸生奉祿位於報功祠雲山回首都依戀我亦淒
涼別後思

聞建昌攝篆之信買舟赴會垣途中有作

舊職請補官猶未下除目謂可數月期宴息假休沐豈
料荒漫區戶戶嗟仰屋縣瓦江湖隄萬手待興築監吏

乘傳來坐散大官粟監視隄工派官四人農事已及春惟日苦不足憫彼主者勞展轉求良牧不待

朝旨頒先期舉相屬自笑迂鈍才猥以片長錄宦轍東西遷風塵困僕僕此縣始漢初貧羸久成俗何能扶積衰一例慶豐沃

二

束裝抵撫郡亟下長河船南風送帆楫盱水清且漣解印甫兩日疲頓殊自憐顧我畏簡書遑恤行役艱中夜覽圖志形勢亦了然猶恐今昔殊紙上多陳言低區患淫潦高壇愁旱乾縱有生聚謀疇能期十年挑燈兀相

向擁被恆弗眠念念飢渴衷豈爲身便安上戴
天子聖下冀州長賢當官盡所職行矣母憚煩
樵舍王陽明破宸濠處

預料歸師亟先圖埽穴功亡王真豎子儒將本英雄大
捷三旬奏餘皇一炬空茫茫懷古意逝水各西東

昌邑汛守風

江舟迤邐渡頭橫那得南風五兩輕坐看雨中楊柳色
市樓沽酒過清明

吳城鎮

艦步皆衝要防軍舊置屯一官分部尉十里枕江邨修

水通西道洪都倚北門推篷閒眺望漁火欲黃昏

莅建昌

曉入蘆潭鎮江天霽景開雲隨飛鳥散人迓遠驅來薄
宦初承乏編氓舊苦災懷襄頻告警邨聚總蒿萊

博陽山

出郭經博陽云是敷淺原其山甚卑小始見商周前高
平與廣平釋地非釋山或指匡廬峯於義殊不然古志
稱博陽敷傳音近旃訛寫乃成博謬種相流傳積久弗
可改誰能辨烏焉博亦寬廣意何必求高巔夏史文簡
質兩字括眞詮我以目驗之笑彼諸傳箋斯地實敷淺

脈絡交疏蜒望文可生訓索解無多言萬事貴親厯證
我心所安徒區漢宋界猶覺持論偏

栗里懷陶靖節

先生歸去來軒冕如浮雲結廬亦人境安爾高臥身仰
與松盤桓俯見良苗新送酒誰白衣聊慰山居貧到今
千百年團聚猶成鄰孫枝數十家猿鶴皆比鄰題橋溯
先正礪石表里門舊有清風橋明嘉靖中吾鄉李侍御循義按江西改題柴桑橋嗤我
折腰者慙對懷葛民

小憩瞻雲寺

舊刹歸宗寺

今朝始易名雲生禪榻冷風入客衣輕新霽增嵐色奔
流激石聲山僧談往事尙愛墨池清

南康府

岡巒起伏路廻斜暮日纔停客邸車乍雨乍晴天四月
亦山亦水郭千家塔鈴解繫風難語瀑布懸空樹不遮
遙指征帆明滅處隔城一片浪淘沙

歸途口占

曲折廬山下雲陰溼不開欲窮真面目須待我重來

晦闍齋襍詠

建昌古海昏於義曰晦闍以是顏吾齋寓目生百感濱

河低下區戶口日以減比年遭水災氣象尙愁慘眞除
得此官朝夕恆自檢欲問心戚渝但視歲豐歉

二

荆江東南流萬里趨海門揚潤亦洪潦出口頗艱辛倒
入鄱陽湖爲壑眞在鄰吾縣界其西歷厯官隄新泛濫
勢旁溢時有衝齧痕浮土本不堅所賴培修勤檄告諸
父老寸壤咸足珍亟完一簣功勿憚言諄諄

三

況復春夏交雨澤殊苦多章貢自南下匯以修繚河漫
漶成一片村舍皆盤淵耕耨不得施束手呼奈何豈竟

月離畢厥象俾滂沱徒聞林鳥啼聲聲催插禾

四

沙底久不濬遂覺河身高一遇暴漲來瞬息當隄腰圍
中有湖潭深處堪容篙猶較外河低積水惡能消橫浸
膏沃田淪作波與濤社公竟無靈讓彼馮夷驕

五

五月隄告成水勢亦漸衰農夫競趨事母敢稍後期我
亦周四鄉輿馬勞奔馳撫慰東作氓切切聞怨咨糠秕
共啖嚼垣宇愁傾頽一輩鳩鵠形悽惻軫我懷尚祈今
豐聊補前年饑共祝皇天仁暘雨宜及時

六

豈謂六月中乃復憂旱乾微雨沾游塵僅可三兩番溪流尙繚注散入溝塍閒低鄉灌漑資賴此涓涓泉惟有高阜村殊費人力艱盤曲齊用車首尾如鉤連病牛不能喘強以繩索牽萬戶焦急心日夜同熬煎

七

秋陽驕復驕七月亦如夏枯澗無細流巖瀑不能瀉片片龜坼田何從望納稼蠅蟻豈有神見者咸駭咤瓶甕糧儲傾市倉日增價安得挽銀河甘霖自天下

八

炎氣重鬱蒸釀作地火殃深宵起田中掠綽如燒荒橫
可四五尺縱不計縮長若隱復若見路遠彌有光禾稻
盡焦色野草芸其黃兼以螟蠣生根葉俱受傷肥田偶
收穫半雜莠與稂南望雖有箕亦不需簸揚

九

薰沐告壇廟奔走祈山川引咎惟責躬語語聲悲酸徒
步不張蓋流汗沾袍幘一日頻往返敢惜芒履穿藉藁
聽事側夜臥恆弗安細察環境民疑有齊婦冤僧侶諷
梵唄庖丁絕腥羶願以一寸枕上冀荃宰憐

十

鄰邑有神魚修尾四其足涵育聖水潭

屬安義

千百聚成

族昔受

先帝封

奎章耀巖谷遠至建業都亦復迓靈躅我乃撰青詞殷勤命僚屬迎請神旆來斬爾轉豐沃詎料旬日間秋暑愈炎酷仰視天堂堂未肯降霖霖

十一

西指雲居山雲亦不肯居晴曠豁嵐翠羅列殊清疏偶起曠曠陰似欲彌太虛耳聞穀中輕轉豐隆車村民動喜色拍手交相呼擬卜三尺霖救我田禾枯忽然狂

風吹一埽浮翳無依舊天宇清捧出明月孤

十二

不雨歷七旬祈雨亦彌月蛟龍深閉藏呼之未能出城鄉咸坐愁道路半行乞欲作流民圖慚無監門筆僭豫本咎徵修省尙多闕憫我姪侍流猶復禱諸佛

十三

赤地連數州奚止建昌旱沴象今已成秋賦例須緩災區分重輕勘視別近遠懸榜官衙前檔冊積盈卷計數如列眉一一具總散大眾共見聞無敢議疏舛

十四

再拜陳上臺轉拂上臺意謂我頗好名無事亦選事年
穀皆順成小民例輸稅我獨言不祥煦煦行小惠經世
有遠謀籌邊賴協濟百孔復千瘡官庫實難繼無米能
爲炊於此見良吏笑我拘墟才殊昧軍國計

十五

莅職愧無狀古人自常語歷代奏疏中更僕亦難數乃
云公牒辭此類禁不許豈其大府尊於禮過君父同際
明聖朝彼我廁官簿轅門雖崇高究竟非臣主紛紛詔
笑徒相率習偃餽遂令言不慙居然嚇腐鼠

十六

飛羽六百里頒下新令式諭彼災鄉民戶戶嚴綜覈曲
繪田畝形句股具弓尺糧券據歷年毋許偶差忒此法
實丈量惡可限時刻併入荒政中徒滋吏民惑我且高
束之非以示姑息朽索馭病駒誰敢強衡勒

十七

載誦行省檄復覺心怦怦一戶一投牒各各親入城老
弱不問年荒僻不計程家門無壯男女子亦有行饑民
本好動招之來公庭日可千百輩疇能免囂爭強人從
所欲凡事鮮克成我亦姑置之聊以順輿情

十八

左秉一束草右持一炷香父老前致辭環跪訴縣堂愚
民不曉事新令非故常頗憂室礙多願乞循舊章我已
達上臺爲爾言之詳轉圜亦易易爾各歸爾鄉農賈安
本業強丁毋竊攘自有軫恤恩慰爾飢渴腸

十九

都府有後命幹吏乘傳來勉如縣長言覆視村民災歲
歲不得收梁稻變蒿萊可憐旱魃虐馴致嗷雁哀逃亡
滋益眾十戶九不開兩手張空眷何術能招徠

二十

一村分一圖圖以八千計縣屬七千九百十九村一鄉合一圖圖

僅十有二治道貴簡靜事事戒苛細甘受違令愆寸心
有明誓腐氣填我膺官況亦無殊但冀民少安豈爲此
身利

二十一

緩賸猶五分催科自臣職撫此子遺黎何敢期出色垂
涕諭我民徵解有常格農部催急需星火下符檄勸爾
貸鄉鄰勸爾減衣食正供及早完窮餓亦安適我非顧
考成斤斤避參劾同戴

天子仁爾各有忠赤

二十二

八月始復雨九月漸湊灤犁鋤出田野差覺泥土鬆家
家種菜麥一色青蔥籠雖饑尙不餓諒足資禦冬天心
本仁愛未忍終困窮能使上下閒暫解愁戚容

二十三

天幸雖可微人事尙宜盡今年新築隄工力務求穩趁
此冬令交處處補虧損沙漲儻不深荒土亦須謀食
貴自勞民天卽邦本恩我勸戒詞語語出誠悃

二十四

所惜通縣田猶是明季冊廢者四十隄強半淪澤國未
有波臣居民戶代爲力以致豐稔年租賦恆缺額沙水

交浸淫存檔已空籍愈瀆愈廣深日月慮虧蝕病根不可除培補僅涓滴忝顏竊斗升求全竟無策

二十五

高低皆六鄉苦旱尤苦水念念切民依官事凜如已坐
鎮不出門安能視所履疑我偏愛民刁頑亦赤子俯首
趨矮簷迎合窺意旨彌見事上恭誰識待賢禮強項吾
祖風一官敝屣耳其次當辟言歸裝有圖史

偶作

北門鎖鑰一身擔赫赫旌麾使相兼何必周公勤吐握
古來臺閣本導嚴

二

松杉桑柏萬千株一碧南天作畫圖治國不遺纖悉計
可知江左有夷吾

登高邱而望遠海

登高邱望遠海遠海遠在溟粵南越裳交趾立國幾千載
漢唐置郡縣宋元復爲國北向中華守臣職子孫世
世隸藩籍泊我

興朝初黎莫分兩都新阮舊阮迭構爭舊阮自云黎之甥復仇仗義師有名越南改號稱中興佛郎機爾何來爾國紅海地海之西何敢踰越印度蕩我屬國之藩籬

始奪西貢省繼入東京城犬羊肆無厭要以城下盟交
州一路皆震驚望風而靡母敢擾義軍蒼頭特然起乃
有黑旗劉義孤支撑聲罪致討傳檄鄰道撼軍如山殺
賊如草火器不敢聲機輪不能巧寸土寸金力自保萬
里游魂誓一埽嗚呼庚申年爾入天津關長星勒杯酒
四海皆蒙垢嗟我戴髮含齒偷主憂臣辱誰致身南荒
振臂發奇憤自此乃識

中朝尊佛鄙機爾何爲爾國喪敗甫立基皇天仁愛重
民命喜功好戰終必危比聞

王師已傳檄勁旅分屯北甯北聯絡主客齊一心任爾

西來賊死昨望遠海登高邱普天率土皆同仇爾軍遠
鬪亦孤注會當直斬樓蘭頭

得陳和笙明經烈鏞書卻寄

平生肝膽契重復結婚姻壇坫經師望琴書道味真謀
孫娛晚歲釀酒得長春欲識桃源路從君可問津

二

海國方多事紛紛急羽飛還鄉原舊約知止亦先幾礁
火屯番舶江風冷戰衣梓桑同軫念鄭重寄當歸

寄汪柳門學使山左

昌黎刺袁州觀察書謹牒希韓請上車虔守殷晉接古

人重交游不復論階級西江先輩風良足示來葉此意
君知之虛衷屢延納容我貧賤驕公庭竟長揖什襲君
寄書藏之可盈篋愧非徐穉賢乃復下陳榻

二

君今奉

簡命視學齊魯閒齊魯多宿儒遺書或未刊捲剔到巖
穴次第付寫官庶慰先哲靈泉壤亦涕漣慘慘兵燹劫
歷歷災傷年文運當中厄繼起誰最賢倬彼大匠門自
有薪火傳一覽小天下願陟東山巔

紀夢

濱河列肆樓房多橫石駕水扁舟過前橋後橋倏已盡
迎頭望見山嵯峨松篁深處數間屋舟欲傍山未登陸
此豈前生高隱鄉三年六度夢游熟

引疾得請感成三絕句

棧道鹽車左右盤絕塵軼足料應難年來冀北無真賞
騏驥駑駘一例看

二

供養齋堂百不支家翁一笑竟成癡大千世界歸平等
願向空靈叩本師

三

木山房續集

卷十

三

指點人間舊碧山海雲深處鳥知還蟠桃三竊都無味
雞犬何如下界閒

六一山房續集卷十